



ORKUSTOFNUN
Jarðhitadeild

TT

JARÐHITAATHUGUN VIÐ DRAGHÁLS Í SVÍNALD Í BORGARFIRÐI

Haukur Jóhannesson
Lúðvík S. Georgsson
Jón Benjamínsson

OS80004/JHD02

Reykjavík, febrúar 1980

JARÐHITAATHUGUN VIÐ DRAGHÁLS Í SVÍNALD Í BORGARFIRÐI

**Haukur Jóhannesson
Lúðvík S. Georgsson
Jón Benjamínsson**

**OS80004/JHD02
Reykjavík, febrúar 1980**

ÁGRIP

Sumarið 1978 fór fram járðhitaleit við Dragháls. Þar er 13°C heit volgra sem kemur upp í misgengi eða gangi. Með segulmælingum var lega ganga og misgengja næst volgrunni rakin. Viðnámsmælingar og efnainnihald heita vatnsins benda til að rennsli heits vatns um berggrunninn sé lítið og alldjúpt sé á nýtanlegt vatn. Kísilhiti heita vatnsins er aðeins 25°C . Engar líkur eru á að borun eftir heitu vatni til upphitunar íbúðarhús-næðis muni svara kostnaði.

EFNISYFIRLIT

	Bls.
AGRIP	3
EFNISYFIRLIT	5
MYNDASKRÁ	5
1 INNGANGUR	7
2 JARÐFRÆÐI OG JARÐHITI	7
3 VIÐNÁMSMÆLINGAR	7
4 SEGULMÆLINGAR	9
5 EFNAINNIHALD HEITA VATNSINS	10
6 NIÐURSTÖÐUR	12
MYNDIR	13
VIÐAUKI A VIÐNÁMSMÆLINGAR: Mæliaðferðir og mæliferlar	21
VIÐAUKI B SEGULMÆLINGAR: Eðli mælinga og mæliaðferðir	25

TAFLA 1 Efnagreiningar á vatni frá Draghálsi og úr Háafellsbrauðum.. 11

MYNDASKRÁ

1 Jarðfræðiskýssa	15
2 Einfaldað þversnið	16
3 Lega viðnámsmælinga	17
4 Eðlisviðnám í Ómá 300 m dýpi u.s.	18
5 Eðlisviðnám í Ómá 900 m dýpi u.s.	19
6 Segulkort	20

1 INNGANGUR

Grétar Sveinsson óskaði í bréfi dagsettu 29. maí 1978 eftir jarðhitaat-hugun við Dragháls í Svínadal. Athugunin var gerð sumarið 1978 og fólst í viðnáms- og segulmælingum og athugun á efnainnihaldi heita vatnsins á þessu svæði. Í skýrslu þessari verður greint frá niðurstöðum athugunarinnar.

2 JARÐFRÆÐI OG JARÐHITI

Dragháls liggur milli tveggja útkulnaðra megineldstöðva, Skarðsheiðar- og Hvalfjarðareldstöðvanna. Jarðlög í þeim eru þétt af ummyndun og því lítt vatnsgeng. Gegnum þessar eldstöðvar liggur sitthvert ganga- og misgengjakerfið. Dragháls liggur í vesturjaðri misgengis- og gangasveims Hvalfjarðareldstöðvarinnar. Heitt vatn kemur nokkuð víða upp með þessum misgengjum, einkum í innanverðum Skorradal og í Lundarreykjadal. Jarðlagastaflinn við Dragháls er nær eingöngu úr basalthraunlögum. Strik þeirra er N45°A og þeim hallar 8° til suðausturs. Á mynd 1 eru sýnd misgengi og gangar sem fundust við Dragháls. Misgengin eru norðaustlæg og er fall þeirra ýmist til vesturs eða austurs. Stærð misgengjanna er á bilinu 10-80 m. Á mynd 2 er sýnt lauslegt þversnið af hlíðinni ofan við bæinn. Þar eru nokkur misgengi sem skipta máli og eru þau númeruð á myndum 1 og 2. Í misgenginu, sem liggur um Bæjargilið, eru tveir sam-síða gangar (gangar 1 og 2). Sá vestari er 7-8 m þykkur og fínkornóttur, en sa eystri er um 4-5 m grófkornóttur og morkinn. Báðir hafa þeir rétta segulmögnun. Þessum göngum hallar um 82° í norðvestur og eru þeir því hornréttir á jarðlögin. Halli þeirra misgengja sem fallið hafa í norð-vestur, mun vera svipaður. Þriðji gangurinn (gangur 3) fannst í gili Draghálsár austan bæjarins og stefnir hann í norðaustur eins og hinir. Við Dragháls er 13° heit volgra sem sprettur fram úr malarbornum lækjarbakka ofan og vestan við fjárhúsin. Rennsli hefur verið mælt 0,25 l/s. Næstu jarðhitastaðir eru á Hvítablettseyri innan við Haga og Háafells-laug í Skorradal (mynd 1).

3 VIÐNÁMSMÆLINGAR

Með viðnámsmælingum er mælt eðlisviðnám í bergi en það er háð gerð bergs-ins, vatnsinnihaldi, hitastigi og seltu jarðvatnsins. Í viðauka A er fjallað lauslega um upplýsingagildi viðnámsmælinga og mæliaðferðir.

Á undanförnum árum hefur allmikið verið viðnámsmælt í kringum Hvalfjörð. Þetta hefur verið hluti af tveim stórum verkefnum á vegum Jarðhitadeildar Orkustofnunar, annars végar viðáttumikilli könnun á jarðhita í nágrenni Höfuðborgarsvæsins og rennslisleiðum heita vatnsins og hins végar heidar-könnun á jarðhita á svæðinu milli Akraness og Skarðsheiðar. Mynd 3 sýnir legu viðnámsmælinga í innanverðum Hvalfirði.

Túlkun viðnámsmælinga byggir á því að jörðin sé lárétt lagskipt. Lóðrétt viðnámsskil t.d. vegna innskota eða misgengja gera túlkunina ónákvæmari en ella. Mikið er af innskotum og misgengjum í grennd Hvalfjarðareldstöðvanna og því er túlkun viðnámsmælinga þar ónákvæm. Yfirleitt er þó djúpviðnám hátt innan marka megineldstöðvarinnar. Í viðauka A eru birtir mæliferlar þeirra fjögurra mælinga, sem eru næst Draghálsi (BHV 12, 14, 15 og 18), ásamt reiknuðum ferlum sem samsvara túlkun mæliferlanna.

Myndir 4 og 5 sýna eðlisviðnám í innanverðum Hvalfirði á 300 og 900 m dýpi undir sjávarmáli. Hátt djúpviðnám (>100 m) mælist á stóru svæði innarlega í firðinum. Þetta svæði er í kjarna megineldstöðvarinnar. Háviðnámstota teygir sig norður innanverðan Svinadal (mynd 4). Liggur beint við að álykta að gangakerfi megineldstöðvarinnar sé orsókin enda eru mælingarnar mjög óreglulegar á þessu svæði og greinilega truflaðar af lóðréttum viðnámsskilum. Dragháls er innan þessa svæðis. Vestar og sérstaklega austar mælist hins végar mun lægra djúpviðnám. Eystra svæðið er hluti af mun stærra lágvíðnássvæði, sem nær langleiðina til Reykjavíkur. Þetta lágvíðnám hefur verið talið gefa til kynna aðrennslisleið heita vatnsins sem upp kemur á jarðhitasvæðinu í Laugarnesi í Reykjavík (1).

Þegar á heildina er litið ýta viðnámsmælingar ekki undir bjartsýni varðandi heitavatnsöflun fyrir Dragháls. Þær benda til að heitavatnsrennsli sé lítið og sé eingöngu tengt brotum eða berggöngum. Búast má við að alldjúpt sé á nýtanlegt vatn.

(1) Jens Tómasson, Ingvar Birgir Friðleifsson og Valgarður Stefánsson 1975: A Hydrological Model for the Flow of Thermal Water in SW-Iceland with a Special Reference to the Reykir and Reykjavík Thermal Areas. Second United Nations Symposium on the Development and use of Geothermal Resources, San Francisco, USA, Maí 1975. Proceedings, Vol. 1, Sec. II, 643-648.

4 SEGULMELINGAR

Þann 6. september 1978 var segulmælt allstórt svæði umhverfis volgruna við Dragháls í Svinadal. Mælt var með róteindasegulmæli og nemi hafður í um 2,5 m hæð yfir jörðu. Alls voru mældar 18 samsíða mælilínur 200-355 m langar eða samtals 4,48 km. Fjarlægð milli mælilína var 20 m en 5 m milli mælipunkta á mælilínu. Stefna línanna var N39°V. Í viðauka B er fjallað lauslega um eðli og notagildi segulmælinga og mæliaðferðir.

Niðurstöður segulmælinganna eru birtar sem segulkort á mynd 6. Jafnsviðslínur eru dregnar með 0,5 kγ þéttleika ($k\gamma$ = mikrotesla), til skiptis heildregnar línum og brotnar. Fletirnir milli heildregnu línum eru skyggðir þannig að hærra segulsvið er sýnt með þéttari skyggingu. Segulkortið sýnir enn fremur legu mælilína.

Á segulkortinu kemur fram að svæðisbundið segulsvið er lágt, eða um 51 kγ sem bendir til að yfirborðsjarðög séu ófugt segulmögnuð. Fjögur línumleg frávik fundust, og eru þau merkt I til IV á kortinu. Þau eru öll segulhæðir, þ.e. hafa hærra segulsvið en svæðisbundið segulsvið, og er stærð þeirra á bilinu 1,5 - 3 kγ. Þrjú þeirra eru norðaustlæg en eitt austlægt.

Frávik 1 er mjög greinilegt og stafar af rétt segulmögnuðum gangi sem stefnir N45°A. Gangurinn hefur ekki fundist á yfirborði og er fremur þunnur.

Frávik 2 er líka mjög greinilegt. Hér er líklega einnig á ferðinni rétt segulmagnaður gangur sem stefnir N80°A, en misgengi gæti fylgt honum. Í mörkinni fundust hvorki gangar né misgengi sem hægt var að tengja þessu fráviki en þess ber að geta að opnur eru slæmar. Austurhluti er hliðraður til suðurs um 30 m.

Frávik 3 er fremur ógreinilegt. Það stefnir um N25°A en virðist beygja nokkuð til norðurs norðan við skurðpunkt þess og fráviks 2. Ekki er alveg ljóst hvað veldur frávikanu en líklegt er að það sé gangur; misgengi er einnig mögulegt. Hvorugt sést þó í hliðinni fyrir ofan. Volgran kemur fram um 15 m vestan við miðju fráviksins en aðstæður benda til að uppstreymi sé eitthvað austar.

Frávik 4 er mjög greinilegt og breitt og stefnir um N25°A. Eins og kortið bendir til er það tvöfaltog sést það betur ef einstakir mæliferlar eru skoðaðir. Hér er á ferðinni tvöfaldur eða klofinn gangur og er fjarlægðin milli miðlinuganganna 15-20 m, a.m.k. á norðanverðu mælissvæðinu. Í Bæjargilinu eru eins og fyrr er getið tveir sámhlíða rétt segulmagnaðir gangar í beinu framhaldi af þessu segulfráviki.

5 EFNAINNIGHALD HEITA VATNSINS

Efnastyrkur í laugavatni stjórnast af hitastigi og gefur þannig vísbendingu um hitastig vatnsins í berggrunninum og kallast efnahiti. Sá efnahiti, sem besta raun hefur gefið, er kísilhiti, en hann er háður leysni kísilsteinda í berginu. Einnig hefur nokkuð verið stuðst við alkálíhita, en hann byggir á staðengni alkálójóna vatns og bergs. Í ljós hefur komið að "feldspathita" ber vel saman við mælt hitastig í hér-lendum borholum, en það er þó lítt reynt við jafn lágt hitastig og að Draghálsi.

Úr Draghálsvolgrunni, sem er 13°C heit, hafa verið tekin tvö sýni til efnagreininga: 26/9 '76 og 6/5 '77. Vatnið er vel fallið til beinnar neyslu, en bent skal á að heppilegt sýrustig (pH) við fiskeldi er talið 6,5-8,5. Sýrustig Draghálsvatnsins er því of hátt til beinnar notkunar við fiskeldi.

Útreikningar gefa til kynna 23°C kísilhita fyrir Draghálslaug. Aftur á móti ber reiknuðum alkálíhita illa saman og er hann ekki marktækur í þessu tilviki. Alkálíhiti skv. Helgeson (1969) þ.e. "feldspathiti" bendir þó til 39°C hita fyrir bæði sýnin. Hinn lági styrkur uppleystra efna býður heim grunsemendum um íblöndun grunnvatns. Sökum hins lága styrks gilda venjulegir blöndunarreikningar ekki. Kunnum telja að rennslisbreytingar séu litlar sem engar. Út frá því ásamt sýrustigi sem er um eða yfir pH 9,5 má álykta að blöndunarþátturinn sé hverfandi. Kísilhitinn er því talinn endurspeglar hita djúperfisins, og gefur hann ekki fyrirheit um að fá megi heitara vatn en 20-30°C við borun.

Norðaustlæg höggunarstefna er ríkjandi á svæðinu og er því til samanburðar birt efnagreining á vatni úr Háafellslaug í Skorradal. Efna-samsetning þess vatns bendir ekki til skyldleika við Draghálsvolgruna.


TAFLA 1

Efnagreingingar á vatni frá Draghálsi og úr Háafellsbrauði. Eininger í ppm.

	Dragháls	Háafell
dags + nr	7609260134	770506009
laugarhiti	12,6	13
pH/°C	9,29/24	9,69/27
Ω m	117,7	114,9
SiO ₂	18	18
Na	16,5	15,5
K	0,1	0,15
Ca	2,5	2,66
Mg	0,22	0,21
*CO ₂ (tot)		14,4
SO ₄		6,2
**H ₂ S	0,1	0,1
Cl	9,5	8,3
F	0,11	0,14
Uppleyst efni	70	67
		190

Efnahiti °C:

Kisilhiti (kalsed.)	24	23	91
Alkalihiti (Na/K) ¹⁾	39	39	91
Alkalihiti (Na/K) ²⁾	(5)	25	68
Alkalihiti (NaCa) ³⁾	(-2)	6	58/107



1) "Feldspathiti" skv. Helgeson 1969

2) White & Ellis 1970

3) Fournier & Truesdell 1973

6 NIÐURSTÖÐUR

Við Dragháls er 13°C heit volgra sem kemur upp með norðaustlægum gangi eða misgengi. Rennsli úr henni er lítið.

Jarðlagastaflinn er nær eingöngu úr basalthraunlögum en sunduskorinn af misgengjum. Jarðlögunum hallar um 8° til suðausturs og göngum og misgengjum við Dragháls hallar 8° til NV.

Viðnámsmælingar sýna að Dragháls er í útjaðri háviðnámssvæðis sem fylgir Hvalfjarðareldstöðinni, en lægra viðnám er bæði vestan en þó einkum austar. Viðnámsmælingar gefa ekki til kynna jarðhitakerfi við Dragháls.

Í segulmælingum komu í ljós fjögur segulfrávik og eru þau líklega öll tengd göngum og a.m.k. einum þeirra fylgir misgengi. Volgran virðist vera tengd veikasta segulfrávíkinu.


Efnasamsetning heita vatnsins bendir ekki til hás hita í djúpkerfinu, a.m.k. ekki ofarlega í berggrunninum, og er kísilhiti þess um $20-25^{\circ}\text{C}$.

Niðurstöður þær sem fyrir liggja benda ekki til þess að unnið sé að afla heits vatns til húshitunar með borunum nærri Draghálsi. Ekki er þó lokað fyrir það skotið að volgt vatn til fiskiræktar fengist með tiltölulega grunnri borun.

En ef af borun verður má staðsetja borholu á grundvelli þeirra athugana sem gerðar hafa verið.

MYNDIR

Mynd 1



[] ORKUSTOFNUN

DRAGHÁLS
Jarðfræðiskissa

'79.I2.14.
HJ/EK

Kjós

F- 18925



ORKUSTOFNUN

DRAGHÁLS

Einfaldað þversnið


'79.12.14.


HJ/EK.

Kjós


F-18924


Mynd 2





Mynd 4






ORKUSTOFNUN

DRAGHÁLS Í SVÍNALD

Segulkort

LSG/H4/B8 /SyJ | 79-10-10 | Borg. Segum. | F 18708

Mynd 6



VIÐAUKI A

Viðnámsmælingar:
mæliaðferðir og mæliferlar

Mæliaðferðir viðnámsmælinga.

Með viðnámsmælingum er mælt eðlisviðnám (= 1/rafleiðni) berglaga á mismunandi dýpi, þ.e.a.s. hversu vel eða illa jarðlögin leiða rafstraum. Jarðhitadeild beitir einkum tveimur aðferðum við þessar athuganir. Schlumbergermælingar mæla viðnám niður á um 1000 -1500 m dýpi. Mynd A sýnir tækjauppsetningu. Straumgjafi er tengdur við tvö rafskaut (póla) sem eru reknir niður í jörðina. Þegar straumur (I) er sendur út verður spennufall (ΔV) á yfirborði jarðar, og er það mælt á milli tveggja annarra rafskauta. Híð svokallaða sýndarviðnám ρ_s er skilgreint samkvæmt Ohmslögáli, sem $\rho_s = k \frac{\Delta V}{I}$, þar sem k er stuðull, sem aðeins er háður afstöðu og fjarlægð milli skauta. Með því að breyta bilinu milli skautanna á kerfisbundinn hátt og mæla straum og spennufall í hvert sinn fást ferlar, sem með réttri túlkun gefa upplýsingar um eðlisviðnám jarðlaga á mismunandi dýpi. Tvípólmælingar mæla viðnám niður á um 5 km dýpi. Mælitæknin er svipuð og við Schlumberger-mælingar en innbyrðis afstaða rafskautanna önnur. Tvípólmælingar eru allmiklu tímafrekari og kostnaðarsamari en Schlumberger-mælingar og nákvæmnin er minni.


Eðlisviðnám í bergi er einkum háð vatnsgengd bergsins, hitastigi og seltu jarðvatnsins. Viðnámið fer þannig lækkandi með:

- 1) aukinni vatnsgengd
- 2) hækkandi hitastigi
- 3) auknu seltumagni

Til þess að heitt vatn komi fram sem lágt viðnám verður það að hafa nokkra láretta útbreiðslu. Ef vatnið rennur upp eftir þróngum rásum, svo sem sprungum eða meðfram göngum, kemur það litt eða ekki fram í mælingum. Mynd B sýnir þetta vel. Oft getur verið erfitt að greina hvort orsök viðnámslækkunar er jarðhiti eða aukin selta í vatninu. Því verður að meta ytri aðstæður hverju sinni.

Mæliðferðir
Skýringamynd

A



S-S' Straumskaut

P-P' Spennuskaut

B




Purrt-litt vatnsgengt berg (hátt viðnám)


// Uppstreymisrás



Vatnsgengt berg með heitu vatni (lágð viðnám)









Við þessar aðstæður finnst jarðhit
auðveldlega með viðnámsmælingum



Við þessar aðstæður kemur
jarðhitinn ekki fram í
viðnámsmælingum

C





VIÐAUKI B

Segulmælingar:
Eðli mælinga og mæliaðferðir



Segulmælingar

1978-06-20

SEGULMÆLINGAR

Inngangur

Segulmælingar hafa mikið verið notaðar hér á landi við að kortleggja misfellur í berggrunni, sem eru huldar lausum yfirborðslögum, t.d. árframburði, skriðum og jarðvegi. Slikar misfellur eru t.d. gangar, misgengi, sprungur og hraunjaðrar. Mælingarnar eru mjög fljótgerðar og fremur ódýrar.

Eðli segulmælinga

Hraunkvika sem storknar í segulsviði jarðar, segulmagnast oftast varanlega. Segulmognun hraunsins verður samsíða stefnu jarðsviðsins þegar kvikan storknar. Styrkur segulsviðs frá hrauninu er háður styrk jarðsviðsins og magni segulmagnanlegra steintegunda í kvíkunni. Segulsvið jarðar er stöðugum breytingum undirorpis og hefur margsinnis breytt um stefnu og styrk á síðustu milljónum ára. Markverðasta breytingin er þegar stefna svíðsins snýst alveg við en slikt gerist með óregullegu millibili. Áætlað er a.m.k. 60 slíkar kollsteypur hafi orðið á segulsviði jarðar á síðustu 20 milljónum ára þ.e. á þeim tíma er Ísland hefur verið að hlaðast upp.

Talað er um rétta segulstefnu þegar segulnorðurþóllinn er nærrí landfræðilega suðurskautinu og um öfuga stefnu þegar segulnorðurþóllinn er nærrí landfræðilega norðurskautinu. Núverandi segulstefna er rétt og hér á landi er hún hallandi niður til norðurs um 75° frá láréttu og 24° til vesturs frá réttvisandi norðri. Breytingarnar á segulsviðinu valda því að hraunlög frá mismunandi jarðsögulegum tíma eru yfirleitt ekki eins segulmognuð. Með því að mæla segulstefnuna í hraunum má oft ákváða aldur þeirra. Mæling á segulstyrk gerir oft kleift að greina í sundur jarðmyndanir sem ekki verða aðgreindar á annan hátt.

Notagildi

Segulmælingar hafa mest verið notaðar hér á landi við að leita uppi og kortleggja bergganga, misgengi og sprungur. Þær hafa gefist einkar vel við kortlagningu bergganga og innskotsлага í grennd við jarðhitasvaði á blágrýtissvæðum landsins. Innskot myndast er hraunkvika treðst upp um sprungur og misgengi eða á milli hraunlaga og storknar þar. Innskot myndast því seinna en bergið umhverfis og eru því oft óþruvisti segulmognuð. Sá hluti innskota sem storknað hefur í sprungum nefnist berggangar. Þeir eru vanalega hornrétt á aðliggjandi jarðlög. Sé segulsvið mælt yfir berggangi kemur venjulega fram frávik frá ótrufluðu jarð-


sviði. Frávikið er jákvætt yfir rétt segulmognuðum gangi, þ.e. þar mælist sterkara segulsvið en neikvætt yfir öfugt segulmognuðum gangi, þ.e. veikara segulsvið.

Mynd 1. sýnir áhrif ýmissa bergrýndana á segulsviðið. Að gefnum ákveðnum forsendum er unnt að reikna útlögun og dýpi þeirra rýndana er valda mældu staðbundnu fráviki á heildarsviðinu. Nákvæmni í staðsetningu þeirra bergrýndana er valda fráviki er að mestu háð bykkt yfirborðslaganna, gerð og halla myndananna, halla segulsviðsins og þéttleika mælinganna. Best er að staðsetja lóðréttu bergganga. Yfirleitt er hægt að staðsetja þá með 2 m óvissu undir 4 m þykum yfirborðslögum. Hallandi ganga og misgengi er mun erfiðara að staðsetja en óvissumörkin eru þó yfirleitt talin vera innan við 20 m undir 4 m þykum yfirborðslögum.

Stundum eru staðbundin áhrif frá jarðmyndunum það veik að þau valda ekki marktæku segulfráviki. Segulmælingar gagna að sjálfsögðu ekki þar, við að greina í sundur jarðmyndanir sem eru huldar lausum yfirborðslögum.

Mæliaðferð og mannaflí

Segulmælingar eru oftast gerðar með segulmæli sem mælir heildarstyrk svíðsins (prótónusegulmælir). Mælt er í um það bil 2,5-4 m hæð yfir jörðu eftir ákveðnum línum eða í neti. Fjarlægð á milli lína eða punkta í neti fer eftir því hve örarár breytingar verða á segulsviðinu og þeirri nákvæmni og upplausn sem krafist er í hvert skipti. Við kortlagningu ganga er oftast mælt eftir beinum línum og eru 20-30 m á milli mælilína en 5 m á milli punkta á hverri línu. Netið er lagt út með hornamælingum og mælisnúrum ádur en segulmælingarnar hefjast. Tveir menn framkvæma segulmælingar og lætur nærrí að þeir komist yfir um 3-4 km á dag en það er þó mjög háð aðstæðum. Niðurstöður eru venjulega birtar á korti með jafnsviðslínum og helstu kennileitum, sbr. mynd 2. Jafnsviðslínur sýna því styrk segulsviðsins á svipaðan hátt og hæðarlinur sýna hæð lands yfir sjó á venjulegu landakorti. Það fer eftir stærð og lögum segulfrávika hve þétt jafnsviðslínur eru dregnar en oft er nægilegt að hafa eitt mikrotesla (1000 gamma) á milli lína. Við minniháttar verkefni er oft látið nægja að birta einstaka mæliferla og kort sem sýnir staðsetningu þeirra. Þetta á sérstaklega við ef langt er á milli mælilína.



Mynd 1

Einkennandi segulfrávik
ymissa bergmyndana

